

民國大埔縣志

卷第五

營建志

城池 廳署

覺舍 壇廟

寺觀 坊表

民國新修大埔縣志卷第五

營建志

分纂錢熱儲輯纂

總纂溫廷敬訂正

城池

古代設官守土堅城為重現世戰具進步城池之險已不在恃繁盛之區且紛議拆城闢市矣然吾邑以偏僻之地築城二座歷三百年崇墉猶在昔之人經營建設耗財費力固非小可故志吾邑營建一因舊例首列城池所紀諸端亦沿舊志字句間有因時代不同者修之事實上或有變更存廢處各將注其下或按述其後

縣城

大埔縣城據茶山之麓周圍五百一十九丈四尺高一丈七尺下廣一丈二尺上廣九尺堦堞九百九十有六內外甃以磚石門三東曰朝陽北曰拱辰西曰通津嘉靖五年知縣歐淮肇建聚材鳩工城未

913.733
4043
4

登記號 51083
35年 10月5日

就而卒知府王袍檄推官李喬木委員曹森董其役越二載告成厥
後樓櫓墻垣漸多傾圯嘉靖二十三年知縣曾廣翰重修增建窩鋪
以備守望嘉靖三十五年知縣吳思立重修三門越三年又以城南
跨山墻垣低隘復於茶山東西城增高五尺山巔左右各建營房四

間圯今中間建茶山亭一所公今為伯鋪兵八名外列營防戍守圯今

一饒相建置茶山營房記一大埔與汀潮接壤北抵上杭而溪南之盜附其背東接平
和而小段三饒之盜擾其左西聯程鄉而東石單竹樓之盜據其右獨南至海陽稍為

善地而自三河抵郡治距二百里無村落市鎮流賊每出沒其間是埔蓋潮巖邑而城
垣低隘弗稱非所以嚴守禦壯國威弭寇患也矧自城之東西門以北頗有烟廬聯接

稍為可守其南則倚山為城既卑而寡民居即牧豎可踰吳侯始令斯邑即議增修
迺極力區處陶甕鳩工環茶山東西之城皆增高五尺截然改觀屹然保障侯之功偉

矣邑故有民兵二百名後以晏安裁其半顧邑當孔道即緝捕送迎奔走之役且不能
給至於城守每缺人侯乃詢諸輿情僉以為宜增撥之專勢亦不容已遂達諸監司

咸報曰可增兵如舊額以其半專備防守自是而巡警頗嚴刁斗之聲徹夜不停然茶
山延袤數里絕無人烟遇風雨夜巡徼兵卒靡所棲止尤恐初昏及昧爽之時巡警弗

及而大麻銀溪不測侯乃相彼山巔之東西暨營房各四名分佈於東西營房令其常川戍守
興而大麻銀溪不測侯乃相彼山巔之東西暨營房各四名分佈於東西營房令其常川戍守

瞭望防範日夕不離於城守之計益密矣夫以簡僻之鋪概編司兵三役所宜諒焉
革迺今移空閒之兵爲有用之卒舉錯允協輿情可以垂諸永久是達權之善政也譬
諸治家然高其垣墉嚴其扃鑰其重僕時其稽察即有不虞之寇豈懼其殃予於是
而知侯得爲邑之道矣明作之功先轉祠廟次修廊宇次增城垣鏗內而外井井有條
靖綏之政先撫善民次戢強暴次理戎防繇民而兵事事有條即其良法美意若能世
守而推行之則將衣被於無窮矣詩曰迨天之未陰雨徹彼桑土綢繆牖戶惟侯有焉
書曰若作室家已勤垣墉惟其塗墍茨尚以俟後之君子

嘉靖四十年辛酉宵小嘯聚知縣馬倣芳復自山麓東西迤邐以北
俱增高三尺子墻崎峻處作石級以便登降其北及東西復浚濠溝
深三尺濶一丈延袤一百一十丈又築甕城于北門廣三丈深二丈
另建樓四座分置四方可憑高望遠規制畧備崇禎八年知縣張燮
任復增敵樓四座高二丈三尺廣一丈一尺深九尺修窩鋪十二間

圯今又置四門守禦鐵銃百函兵器八十具

久已無存

清朝康熙十四年乙卯潮鎮劉進忠倡亂盜賊蜂起知縣劉毅志增

築砲臺于城之東西兩隅東砲台址今由城紳募建避水所雍正五年西砲臺今已傾圮其跡猶存及

北門甕城宣統三年辛亥年拆去梁眼傾塌知縣吳車泰重修道光年間因洪水

東西一帶城垣傾塌一十一年知縣任荃重修今西門萬壽宮前光緒間被洪水冲毀十餘丈邑

紳饒訪濂倡捐并董其役

按隋置萬川縣築城于同仁甲湖寮村今城址無存（見勝蹟門）又按宋末元初涂僑於茶山下築城據守二十餘年自稱侍郎今縣城即沿其址（見沿革門）

城息田 城息田之設緣四門向各設城長一人歲派甲子夫以應

衙前之役居民苦之康熙五十年拔貢生饒華哀耆老范用禹楊翰

周鄉約饒集機李奕清等募金置田設城總一人收息僱役孝廉范

元凱作記勒石今志田跡糧數于左

一大寧和豐坑口墩下田種一斗五升下片一大坵坑背大小五坵又黃坑寨下田種
三斗坑子背大小五坵又樟樹排一處直至坑口伯公邊止大小無雜不計坵數並帶

山下秧地一應在內共帶糧米二斗二升五合
一大甯寺前東塘裏田種四斗田四坵又上坵裏容種一斗五升田三坵又南山下社

下左邊田二坵容種一斗五升又大陂頭田大小二坵容種一斗五升共帶糧米四斗二升五合一
大甯新昌尾容種三斗五升大小一坵又店上庄門口容種二斗一升田
二坵共帶糧米二斗八升以上共種一石
八斗六升共糧九斗三升俱官圖差輸

城內古圳 創自開邑源接東門磔順流至楓頭坑架澗透引由東

隅入城逕縣衙學宮之前出西隅城濠年久湮塞屢犯火災乾隆四
年監生饒振豸饒鵬飛與饒如勳吳以景等呈請知縣胡文彥按古
跡設法興修五年冬工竣火災遂息且便汲水救火鑄碑衙前遞年
九月後引水三月後止付城總管看後因公舉殷實管理城息仍遞
撥給城總穀四石至每年九月整澗挑圳放水及看守南山松竹各
費係管理城息之事

城內古井 計五處一在縣前一在學前一在十字街一在水流頭

一在青子地

縣城街道 縣前街橫至儒學前直至北門崇禎八年知縣張燮任捐資屬舉人饒堪修 十

字街自東門橫穿大街轉而南數丈經司前至西門 北門外街自

北門直至壇側橫至橋亭又自壇面上橫至柳巷崇禎八年知縣張燮任捐資屬明經饒堪修

神泉街自方公橋起至神泉亭頭嘉靖間知縣方琦創築池堤知縣曾廣翰砌石一百二十丈萬曆初知縣李汝極復

砌埠頭以便往來坵于洪水

三河鎮城

三河鎮城在新寨社舊稱粵閩關隘嘉靖間山賊島夷寇抄為患鄉

紳賀一宏同市民呈請築城知縣馬俶芳白分巡道馮公臯謨具報

隨奉兩廣都御史張公臬巡撫御史蔡公結題允適知縣張孔修到

任念民經兵燹重困條陳五策佐以商稅屬典史周時董其役越二

歲告成計費四千金周圍四百九十九丈二尺高一丈五尺下廣一

丈一尺上廣八尺堞堞九百一十有八門四東曰永清南曰宣和西

曰鎮甯北曰拱極時嘉靖四十二年也

經其北三流聚會于此故曰三河鎮距郡城北二百餘里梅溪趨其東程江繞其西杭川

于鎮北三十里建大埔縣治以轄之四境寧謐生齒日繁商舶輻輳遂稱雄鎮歲庚申

夏巨寇張璉聚黨攻破太埤茶毒嗣以倭夷踵至據為巢穴脯肝飲血焚殺之慘不可

言之甞民奔竄廬室邱墟鎮之士民始議築城堡以為保障額呈郡邑時前令馬君傲芳

三河之民固王民也司蜂起警報日至吏視其顛沛流離而不設險以守之哉于是建城

預氣財用四曰征商稅五日張侯天時大吏咸報可顧兵燹之後官民絀乏檄驛丞林申征

商協濟採石于山陶甃于冶典史周時巡檢蔣思治董其事計城延袤四百七十七丈

相稱工竣四門各繫以名宰臨曰永清南曰宣和西北曰拱極堞以一新樓櫓相

望而城始奏績矣先是被擄者數百人仲夏巨寇藍復回三河崇庸屹屹老弱者登陴以守城壯者未

是持矛造擊于癸亥夏迄甲子秋竣事廣四百九十九丈高三仞有奇費四千金權商稅也

者半輸諸民者半於戲當事者長慮卻顧竭財彈力徵商募民夷阜塞池以成厥工亦維艱矣然鎮內外皆商民錯處僑寓多而土著少上當三水之委流下接三洲產溪二百里無人烟夫居民溷雜則奸宄難防地當委流則其來也莫禦下流荒僻則其去也莫追兼此三者守之亦不易矣噫其難者當事諸君子已任之于前矣後之官斯土居斯鎮者其尙知所守哉

一賀一宏登三河鎮新城有感和杜一上高城四望寬老逢佳節半悲歡莫談擊鼓驚馳檄且對壺觴笑整冠沙市紛囂仍閑晚烟邨掩映尙凝寒後人若問當年事碑刻淚看

清康熙三年洪水衝塌饒鎮左都督吳六奇捐募修增門樓城堞

一邑人李谷生三河懷古詩一扼閩控粵築金城大力將軍此駐兵壯士窮途哀乞食丈夫得志報高情查園英石供清玩滙水遺碑紀大名軼事流傳多缺憾生平恩怨太

明分

乾隆五年知縣胡文彥申請動帑重修嗣後洊經洪水傾塌過半嘉慶六年鄉紳范紹蕃等呈縣募金大修並呈請官塘城息檄鄉衆經理以爲遞年除草膳葺之費咸豐四年建避水門在西南隅每遇洪

水鄉人由此出城遷避咸豐三年南門城樓被洪水冲毀至光緒七年鄉人饒虞廷饒文川捐資重建光緒十二年東門城樓傾圮鄉人饒達源林壽生徐金史范幹亭募捐重建光緒十三年鄉人徐賡華呈請縣知轉詳援修城例開局籌款修理全城三年告竣光緒二十七年鄉人徐維清等募捐修築東門左右及鴛鴦塘一帶城垣宣統三年洪水城垣崩毀多處計西門右畔一帶由鄉人周儀階向周姓捐資修築又左畔一帶則由徐光泰等向徐姓捐資修築又避水門左右則由饒育元募捐修築並增築門前大路民國十六年鄉議用公款修築劉家祠背城垣二處約十丈辦理人饒昭其徐百泉范友帆黎倫士

三河官塘

塘三口一在城西門外庵子前一在南門城內一在南門城外明知縣張孔修所置遞年收租爲修城工費後墾爲田佃人赴官請照承耕歲納稅八兩

激縣軍備支嘉慶七年
年飭歸鄉人管理

三河城息

田畝多少及土名未悉清初鄉人以塘息不敷修城復釀金置產付城總收歲除草萊後城總視為私物城蕪頽日甚嘉慶七年飭歸鄉人管理

三河城街道

大街自北門太平關內起至東門十字街 北門街

自北門出太平關

東門街自東門出至碼頭 碗街自鹽廠關門

起至北門街

鹽廠今毀 瑣下尾街自東門十字街起至鹽關榕樹前

廨署

建邑之始以地屬僻久為逋逃藪故官職衆多營房密佈而廨署兵房營建亦極周備入清乾隆以後海內承平文化勃興官制屢有變遷營房或同虛設

其中裁署廢營多傾圮變賣或撥助公益迨清末存者寥寥無幾再以民國二年後迭次調查官產核價招投則縣署而外皆無有矣茲篇所列不過存其迹

以備查考事耳

縣署在茶山之麓位南面北

縣城文武官廨俱位南面北惟把總署係西砲臺位西面東

基深三十有七

丈六尺廣一十八丈五尺明嘉靖五年丙戌知縣歐淮建三十二年

癸丑知縣章奎重修二十五年丙辰知縣吳思立修譙樓川堂建庫
於川堂東萬曆二年甲戌知縣李汝極設架閣庫於川堂西崇禎七
年甲戌知縣張燮任修六房吏舍清康熙六年丁未吏舍復圯知縣
禹昌允重修五十年丙申知縣艾十奇重修大堂雍正六年戊申知
縣吳車泰重修譙樓乾隆五年庚申知縣胡文彥重修吏舍乾隆二
十七年壬午知縣溫葆文重修大堂川堂乾隆三十一年丙戌署知
縣吳龍光重修譙樓撤去門前舖店道光二十二年洪水冲塌六房
吏舍咸豐十一年辛酉知縣戚開蓉撥罰款公費修復同治三年甲
子朱家綬捐廉修西內書房一廳兩間九月復被髮亂全行燒廢同
治七年知縣錢誦清募捐修復由頭門儀門大堂至二三四堂並東
西書房內外花廳邑紳饒應元董其役民國元年因革命之後秩序

未定管理無人窗戶盡毀樑桷腐朽幾全座傾圮五月縣知事羅鎮藩到任後秩序已復乃募捐修葺大堂以內仍舊墻修建上蓋頭門鼓樓完全改建

戒石亭在縣前甬道嘉靖九年庚寅知縣方琦始建署縣事經歷李挺去之嘉靖三十五年丙辰知縣吳思立重建天啓六年丙寅知縣經邦元拆石亭易爲木坊以明太祖聖諭額其上

廢今

土地祠在儀門西崇禎八年乙亥知縣張燮任重修清康熙二十四年乙丑知縣宋嗣京重修雍正六年戊申知縣吳車泰重修 迎賓館亦在儀門西雍正七年己酉知縣吳車泰改建常平倉二間

縣獄原在迎賓館後現在儀門東未審何時改建同治八年知縣錢誦清重修

譙門外東西兩旁爲榜棚康熙二十四年乙丑知縣宋嗣京築八字
墻于兩旁

治前爲照壁嘉靖三十五年丙辰知縣吳思立重修後圯萬曆五年
丁丑知縣李汝極重修坊外題平政坊內題節愛天啓六年丙寅知
縣經邦元毀平政坊爲照壁清康熙三年甲辰知縣禹昌允改照壁
爲平政坊康熙二十四年乙丑坊壞知縣宋嗣京復改爲照壁築八
字墻于兩旁同治八年知縣錢誦清重修

按

現今官署有公安局及各區警察署但各區警署均
係借用或租賃者非公家特別營建之物故不編入

文官裁署

教諭署

在明倫堂後明嘉靖三十四年己卯教諭陳堯道建清康

熙二十四年乙丑知縣宋嗣京重修乾隆四十七年壬寅訓導陳正

學在明倫堂左重建土地祠並建吏舍卷房三間乾隆五十年乙巳
教諭葉儀重修道光三十年知縣漆象曾教諭馮鉞重修民國三年
撥為縣立中學校改建校舍

訓導署

舊在東齋

按向稱教諭署曰東齋訓導署曰西齋

後明嘉靖三十五年丙辰訓導

鄒一麟建萬曆四十八年庚申知縣史書元移建明倫堂右清乾隆
二十七年壬午知縣溫葆文重建嘉慶四年己未訓導黃懋政倡建
官齋于左方並修右方房舍道光三十年知縣漆象曾教諭馮鉞重
修民國三年同撥縣立中學校改建校舍

一鏡澄修儒學明倫堂齋舍記一埔邑學舍建於明倫堂後取其傳習密邇意深遠也
顧翔自嘉靖丙戌迄今百有餘稔鮮有留意修葺者遂至圯不容膝己未春謝君至而

堂無舍也則傲民居以居議鼎新資弗給也請以新勢弗獲也諸弟子莫不以師無寧
守而扼腕焉史侯覽而慨曰井邑凋敝所當興者何限然孰有急於學校者哉且使師

處外而化雨不時是誰之咎遂捐俸以倡謝君出資佐之鳩工庀材閱數月學舍落成
諸弟子曰噫嘻師有寧宇得從容講道評藝于堂吾儕朝夕奉教息焉游焉匪我侯疇

貽耶乃侯作興之心未已也門則新之垣則築之前階稍窄培其土而廣之宮牆稍卑
增其舊而高之登斯堂者倏爾改觀皆有崇文向道之思是侯之大有造于庠序也夫
宣聖論仁不必博衆惟是已立立人己達達人今侯視學舍猶已舍而慨然修復拓往
規之制以振起人文蓋體立達之聖心而設施之仁人之利先名教矣矧一勞永逸凡
官斯庠者席履露寧有既耶不佞素屬耕蠶見茲嘉惠感舉侯
功實偉謝君與有勞焉謹重友生之請不敢以不文辭是爲記

典史署 在縣署右畔深九丈廣七丈清康熙五十年辛卯典史翟

長慶建道光年間典史馬嘉謨添築小屋五間於廳事前右面同治

三年毀于長髮八年知縣錢誦清典史李鉉重修今撥縣立高等小

學改建校舍

大產司檢司署 舊在大產村後移黃砂村位北面南深十二丈廣

八丈門廳廨舍如制今被洪水冲毀基址割在河中

三河巡檢司署 在三河鎮城內深十二丈廣十五丈八尺門廳廨

舍如制明洪武九年丙辰始設三河巡檢司時地尙屬海陽巡檢吳

浩鼎建宏治八年乙卯圯于洪水嘉靖十八年己亥巡檢吳易結茅重建萬曆二十八年庚戌巡檢姚宗堯重修易茅以瓦同治十年知縣張鴻恩勸捐重修民國三年變賣官產爲范姓購建屋宇

鹽運分司署 在三河鎮城內雍正年間分司俞文耀建後運司長駐府城其署遂廢

烏槎巡檢司署 舊在烏槎村之黃塘後移高陂村乾隆二十七年壬午缺裁士民購爲義學

遞運所署 在三河鎮內驛丞署右規制如驛明洪武十一年戊午建嘉靖十二年癸巳缺裁

三河驛丞署 在三河鎮城巡檢署右深一十五丈五尺廣一十二丈五尺正廳一後廳一左右廂各一儀門一土地祠一犴一廨一吏